

固安文獻志

朱益藩署檢

固安文獻志卷三目錄

耆舊事彙

晉

張司空華

下

固安文獻志卷四目錄

耆舊事彙

宋

張太守穆之

梁

張衛尉弘策

祀鄉賢

張侍中緬

張衛尉長子

張簡憲纘

上張衛尉第三子

固安文獻志卷三

天津徐世昌鑒定

縣人賈廷琳謹編

耆舊事彙

晉

張司空華下

張司空遺著

今存賦七首 表一首 可考者一首 議八首 書四首 甲乙
問一首 序一首 讚一首 篇一首 籤銘七首 錄三首

哀冊二首 樂歌難持共
七十四首可考者一首

鷦鷯賦

兼并序。晉滅榮緒晉書曰。張華少好文義。博覽墳典。爲太常博士。轉
兼中書郎。雖栖處雲閣。慨然有感。作鷽鷽賦。王隱晉書曰。阮籍見

序曰。鷽鷽賦以爲王佐之才。中書郎成公綏。亦推華文義。勝己。晉傅咸鳳賦

生則有寄。免乎禍害者。其唯儀鳳也。晉賈彪大鷽賦序曰。余覽張茂先鷽
鷽賦。以其質微處。而陋以遠害。忽以爲未若大鷽樓形。遐遠自育之全也。

此固禍福之機。聊賦之云。梁劉勰文心雕龍曰。張華短章。奕奕清暢。其鵲
鵲寓意。即韓非之說。鵲也。清張皋文曰。咸榮緒晉書。華雖處雲閣。慨然有

感。作鵲鵲賦。於文意爲合。今晉書
謂華未知名。著此賦以自寄。非也。

鷦鷯小鳥也。生於蒿萊之間。長於藩籬之下。翔集尋常之內。而
生生之理足矣。色淺體陋。不爲人用。形微處卑。物莫之害。繁滋
族類。乘居匹游。翩翩然有以自樂也。彼鷲鷯鷩鷮。孔雀翡翠。或
凌赤霄之際。或託絕垠之外。翰舉足以冲天。觜距足以自衛。然
皆負矰嬰繳。羽毛入貢。何者。有用於人也。夫言有淺而可以託
深。類有微而可以喻大。故賦之云爾。

何造化之多端兮。播羣形於萬類。惟鷦鷯之微禽兮。亦攝生而
受氣。育翮翮之陋體。無玄黃以自貴。毛弗施於器用。肉弗登於

俎味。鷹鵠過猶俄翼。尙何懼於罾罟。鸞鶴蒙籠。是焉游集。飛不
飄颻。翔不翕習。其居易容。其求易給。巢林不過一枝。每食不過
數粒。栖無所滯。游無所盤。匪陋荆棘。匪榮茝蘭。動翼而逸。投足
而安。委命順理。與物無患。伊茲禽之無知。何處身之似智。不懷
寶以賈害。不飾表以招累。靜守約而不矜。動因循以簡易。任自
然以爲資。無誘慕於世僞。雕鶚介其觜距。鵠鷺軼於雲際。鷄雞
竄於幽險。孔翠生乎遐裔。彼晨鳧與歸雁。又矯翼而增逝。咸美
羽而豐肌。故無罪而皆斃。徒銜蘆以避繳。終爲戮於此世。蒼鷹
鷂而受縲。鸚鵡惠而入籠。屈猛志以服養。塊幽繫於九重。變音
聲以順旨。思摧翮而爲庸。戀鍾岱之林野。慕隴坻之高松。雖蒙

幸於今日。未若疇昔之從容。海鳥鷗鵬。避風而至。條枝巨雀。踰嶺自致。提挈萬里。飄颻逼畏。夫惟體大妨物。而形穰足瑋也。陰陽陶蒸。萬品一區。巨細舛錯。種繁類殊。鷦螟巢於蚊睫。大鵬彌乎天隅。將以上方不足。而下比有餘。普天壤以遐觀。吾又安知大小之所如。

按此賦已見前竹書本傳惟字句略有異同且無賦序故復錄此

右見梁蕭統文選十三又略見藝文類聚九十二

歸田賦

隨陰陽之開闔。從時宜以卷舒。冬奧處於城邑。春游放於外廬。歸邾鄆之舊里。託言靜以閒居。育草木之藹蔚。因地勢之丘墟。豐蔬果之林錯。茂桑麻之紛敷。用天道以取資。行藥物以爲娛。

時逍遙於洛濱。聊相伴以縱意。目白沙與積礫。玩衆卉之同異。揚素波以濯足。汭清瀾以蕩思。低徊住留。棲遲菴藹。存神忽微。遊精域外。藉繼草以爲茵。援垂陰以爲蓋。瞻高鳥之陵風。臨儵魚於清瀨。眇萬物而遠觀。修自然之通會。以退足於一壑。故處否而忘泰。

右見藝文類聚三十六

朽社賦

并序

高柏橋南大道傍。有古社槐樹。蓋數百年木也。余少居近之。後去。行路遇之。則已朽。意有緬然。輒爲之賦。因以言衰盛之理云爾。

伊茲槐之挺植。于京路之東隅。得託尊於田主。據爽塏以高居。垂重陰于道周。臨大路之通衢。饗春秋之所報。應豐腴於無射。歷漢京之康樂。踰喪亂之橫逆。朱夏當陽。蓊藹蕭森。征夫雲會。行旅歸心。輜軒停蓋。輕輿託陰。吉人向風而祛袂。王孫清嘯而啓襟。晞甘棠之廣覆。徧喬木之無陰。

右見藝文類聚三十九又太平御覽五百三十二

永懷賦

美淑人之妖豔。因盼睞而傾城。揚綽約之麗姿。懷婉婉之柔情。超六列于往古。邁來今之清英。既惠余以至懽。又結我以同心。交恩好之款固。接情愛之分深。誓中誠于皦日。要執契以斷金。

嗟夫天道幽昧差錯。繆於參差。怨祿運之不遭。雖義結而絕離。
執纏絲之篤趣。守德音以終始。邀幸會於有期。冀谷華之我俟。
儻皇靈之垂仁。長收懽於永已。

右見藝文類聚十八又北風興兮增涼句見北堂書鈔一
百五十六

感婚賦

井序

方今歲在己巳。將次四仲婚姻者。競赴良時。粲麗之觀。相繼於
路。雖葩英有顧。嫁娶之會。不乏平日。乃作感婚賦曰。

彼婚姻之俗忌。惡當梁之在斯。逼來年之且至。迨星紀之未移。
窈窕初茂。玉質始盛。容華外豐。心神內正。接軫連騎。隱隱習習。

充街塞里。暉曜城邑。相麗姿之綽約兮。遙髣髴以感心。怨佳人
之幽翳兮。恨檢防之高深。

右見藝文類聚四十

相風賦

并序。晉傅咸集相風賦序曰。相風之賦。蓋已富矣。唯中書張令。以太史相風。獨無文飾。故特賦之。太僕寺丞武君賓樹一竹於前庭。其上

頗有樞機。插以雞毛。于以占事知來。斯乃簡易之至。張氏之賦。非其至也。

太史候部有相風。在西城上。而作者弗爲。豈曰其託處幽閑。違
衆特立。無羽毛之飾。而丹漆不爲之容乎。

蓋在先聖。道濟生人。擬議天地。錯綜明神。在璿璣曰齊七政。象
渾儀于陶鈞。考古易于六氣。仰貞觀于三辰。爰在保章。世序其
職。辯風候方。必立唯極。循物致用。器不假飾。眇修榦之迢迢。淩

高墉而莖植。玄鳥偏其增翥。睇雲霄而矯翼。嘉創制之窮理。諒
器淺而事深。步元氣于尋木。寄先識于茲禽。既在高而想危。又
戒險而自箴。雖迴易之無常。終守正而不淫。永恪立以彌世。志
淹滯而愈新。超無返而特存。差偶景而爲鄰。

右見藝文類聚六十八序見太平御覽九

金薤賦

右見秦王嘉拾遺記十已畧見前卷不錄

王公上壽酒食舉樂哥詩表

晉武泰始五年尚書奏。使太僕傅玄。中書
監荀勗。黃門侍郎張華。各造正旦行禮。及

王公上壽酒食舉
樂哥詩。張華表曰。

按魏上壽食舉詩。及漢氏所施用。其文句長短不齊。未皆合古。

蓋以依詠弦節。本有因循。而識樂知音。足以制聲度曲。法用率
非凡近所能改。二代三京。襲而不變。雖詩章詞異。興廢隨時。至
其韻逗曲折。皆繫於舊。有由然也。是以一皆因。就不敢有所改
易。

右見宋書樂志一。又晉書樂志上。又唐杜佑通典一百四
十一

讓封壯武郡公表

文心雕龍章表篇曰。遶符初筆札。則張華爲僞。其三
讓公封。理周辭要。引義比事。必得其偶。世珍鵠鵠。莫

顯章
表。

右表已佚

晉文王謚議

殊位盛禮。實隆明德。班爵崇寵。亦光茂勳。至于表名贈號。世考洪烈。冠聲無窮者。莫尚于號諡也。論功高于禹稷。比德邁于伊周。

右見藝文類聚四十

封禪議

六篇晉陸雲集與兄平原書曰。頃得張公封禪事。平乎耳。不及李氏其文無比。恐非其所作。又曰。尋得李龍勸封禪草。信自有才。頗多

煩長耳。令送間人。又。張公所。已。令寫別。

晉武帝平吳。混一區宇。太康元年九月庚寅。尚書令衛瓘。尚書左僕射山濤。右僕射魏舒。尚書劉寔。司空張華等奏曰。聖德隆茂。光被四表。諸夏乂清。幽荒率從。神策廟算。席卷吳越。孫皓稽顙。六合爲家。巍巍之功。格于天地。宜同古典。勒封東嶽。告三府

太常爲儀制

奏曰。臣聞肇自生民。則有后辟。載祀之數。莫之能紀。立德濟世。揮揚仁風。以登封泰山者。七十有四家。其謚號可知者。十有四焉。沈淪寂寞。曾無遺聲者。不可勝記。自黃帝以前。古傳昧略。唐虞以來。典謨炳著。三王代興。體業繼襲。周道旣沒。秦氏承之。至于漢魏。而質文未復。大晉之德。始自重黎。實佐顓頊。至于夏商。世序天地。其在于周。不失其緒。金德將升。世濟明聖。外平蜀漢。海內歸心。武功之盛。實由文德。至于陛下。受命踐阼。弘建大業。羣生仰流。唯獨江湖沅湘之表。凶桀負固。歷代不賓。神謀獨斷。命將出討。兵威暫加。數旬蕩定。羈其鯨鯢。赦其罪逆。雲覆雨施。

八方來同。聲教所被。達于四極。雖黃軒之征。大禹遠略。周之奕世。何以尙今。若夫立石素文。底號前載。象以姓表。言以事告。河圖洛書之徵。不是過也。加以騶虞麟趾。衆瑞並臻。昔夏殷以不崇爲祥。周武以烏魚爲美。咸曰休哉。然符瑞之應。備物之盛。未有若今之富者也。宜宣大典。禮中嶽封泰山。禪梁父。發德號明至尊。享天休。篤黎庶。初學記作厚福慶篤黎民勒千載之表。播流後之聲。俾百代之下。莫不興起。斯帝王之盛業。天人之至望也。

又奏曰。今東漸于海。西被流沙。大漠之陰。日南北戶。莫不通屬。茫茫禹跡。今實過之。則天人之道已周。巍巍之功已著。宜有事梁父。修禮地祇。登封泰山。致誠上帝。以答人神之願。乞如前奏。

又奏曰。臣聞處帝王之位者。必有歷運之期。天命之應。濟生民之大功者。必有盛德之容。告成之典。無不可誣。有不可讓。自古道也。而明詔謙冲。屢辭其禮。雖盛德攸在。推而未居。夫三公職典天地。實掌民物。國之大事。取議於此。漢氏封禪。非是官也。不在其事。臣等前奏。蓋陳祖考之功。天命又應陛下之德。合同四海。述古考今。宜循此禮。至於剋定歲月。須五府上議。然後奏聞。請寫詔及奏如前下議。

又奏。臣聞唐虞二代。濟世弘功之君。莫不仰答天心。俯協民志。登介丘。履梁父。未有辭焉者。蓋不可讓也。今陛下勲高百王。德無與二。茂績宏規。巍巍之業。固非臣等所能究論。而聖旨勞謙。